

**BOSNA I HERCEGOVINA
FEDERACIJA BOSNE I HERCEGOVINE
JU "KANTONALNI CENTAR ZA SOCIJALNI RAD"
Ul. Gatačka br. 80, Sarajevo**

UPRAVNI ODBOR

Broj: 31-01/05-024-639.2/21

Datum, 26.05.2021. godine

Na osnovu člana 29. stav 1. Zakona o ustanovama („Službeni list RBiH“, broj 6/92, 8/93 i 13/94), člana 113. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“ broj: 38/14- Prečišćeni tekst, 38/16, 44/17 i 28/18), Pravilnika o vrsti stručne spreme i proceduri izbora i imenovanja direktora javnih ustanova iz oblasti socijalne zaštite („Službene novine Kantona Sarajevo“ broj: 49/18 i 22/19), člana 35. Pravila Javne ustanove „Kantonalni centar za socijalni rad“ br: 35/X-01-530-196/07 od 08.02.2007. godine, br: 35/X-01-530-528/08 od 12.03.2008. godine, br: 35/X-06-530-2891/10 od 24.11.2010. godine, br: 35/X-06-530-2555/11 od 29.09.2011. godine, br: 35/X-06-024-3052/12 od 27.11.2012. godine, br: 35/X-06-024-484/14 od 29.01.2014. godine, 35/X-06-024-1105-1/19 od 03.06.2019. godine i broj 31-01/06-024-221.2/21 od 26.02.2021.godine, Odluke Upravnog odbora broj: 31-01/06-024-221.3/21 od 26.02.2021.godine i Saglasnosti Ministarstva za rad, socijalnu politiku, raseljena lica i izbjeglice Kantona Sarajevo broj: 13-04/2-04-6504-1/20 od 25.05.2021.godine, Upravni odbor objavljuje

K O N K U R S

za izbor i imenovanje direktora Javne ustanove „Kantonalni centar za socijalni rad“

- 1) Kratak opis pozicije direktora JU „Kantonalni centar za socijalni rad“ (u daljem tekstu: Centar): Rukovodi radom i organizira poslovanje Centra; odgovara za zakonitost rada Centra; daje ovlaštenja šefovima za potpisivanje rješenja u prvom stepenu o pravima iz socijalne zaštite, porodične i krivično - pravne zaštite i drugim pravima u skladu sa zakonom i podzakonskim aktima po kojima su Službe ovlaštene za rad u prvom stepenu; vodi stručni rad Centra i odgovoran je za njegovo organiziranje; donosi opšte akte iz svoje nadležnosti i daje Upravnom odboru prijedlog opšteg akta na usvajanje u skladu sa odredbama Pravila; poduzima potrebne radnje u ime i za račun Centra te predlaže Upravnom odboru ulaganja i nabavke opreme u skladu sa potrebama Centra; zaključuje ugovore o radu u skladu sa Zakonom o radu, te odlučuje u i stepenu o ostvarivanju prava radnika iz radnog odnosa; izvršava odluke Upravnog odbora; podnosi Upravnom odboru izvještaj o radu i finansijskom poslovanju, predlaže Program rada i planove razvoja Centra; obavlja i druge poslove u skladu sa zakonom i općim aktima Centra, naložima i preporukama osnivača i resornog ministarstva.
- 2) Kadidati za izbor i imenovanje direktora treba da ispunjavaju sljedeće opšte i posebne uslove:
 - a) **Opšti uslovi:**
 - da je državljanin Bosne i Hercegovine,
 - da ima završen VII stepen stručne spreme, odnosno završen najmanje prvi ciklus bolonjskog studija visokog obrazovanja u trajanju od najmanje četiri studijske godine sa akademskom titulom i stručnim zvanjem Bakalaureat/Bachelor (240 ECTS bodova),
 - da ima najmanje pet godina radnog staža od kojih najmanje tri godine na rukovodećim poslovima,
 - da ima opštu zdravstvenu sposobnost,

- da nije osuđivan za krivično djelo koje je nespojivo sa obavljanjem dužnosti direktora,
- da nije osuđivan za prekršaj koji je nespojiv sa obavljanjem dužnosti direktora.

b) Posebni uslovi:

- Stečena stručna sprema iz oblasti društvenih nauka.

- Uz prijavu na konkurs i kratku biografiju kandidati trebaju dostaviti i dokaze o ispunjavanju uslova (original ili ovjerene kopije) i to:
 - uvjerenje o državljanstvu, ne starije od 6 (šest) mjeseci,
 - izvod iz matične knjige rođenih, ne starije od 6 (šest) mjeseci, osim ako se radi o dokumentu koji je trajnog karaktera,
 - diploma o stečenom visokom obrazovanju - da ima završen VII stepen stručne sprema odnosno završen najmanje prvi ciklus bolonjskog studija visokog obrazovanja u trajanju od najmanje 4 (četiri) studijske godine sa akademskom titulom i stručnim zvanjem Bakalaureat/Bachelor (240 ECTS bodova);
 - Dokaz iz kojeg je vidljivo da kandidat ima najmanje pet godina radnog staža od čega najmanje tri godine na rukovodećim poslovima,
 - ovjerena izjava kod nadležnog organa da kandidat nije predsjednik ili član upravnog odbora i predsjednik ili član nadzornog odbora bilo koje ustanove nezavisno od oblasti za koju je ustanova osnovana, a koja djeluje u Bosni i Hercegovini. Ukoliko je kandidat predsjednik ili član upravnog odbora i predsjednik ili član nadzornog odbora bilo koje ustanove nezavisno od oblasti za koju je ustanova osnovana priložit će ovjerenu izjavu da će u slučaju imenovanja za direktora ustanove sa danom imenovanja podnijeti ostavku i odstupiti sa pozicija predsjednika ili člana upravnog odbora i predsjednika ili člana nadzornog odbora
- Nakon utvrđivanja rang liste kandidata, Upravni odbor će obavijestiti kandidata koji se nalazi na prvom mjestu rang liste da je obavezan u roku od 7 (sedam) dana dostaviti sljedeće dokaze (original ili ovjerene kopije):
 - ljekarsko uvjerenje nadležne zdravstvene ustanove koje nije starije od 6 (šest) mjeseci
 - uvjerenje o neosuđivanosti za krivično djelo koje je nespojivo sa obavljanjem dužnosti direktora
 - uvjerenje o neosuđivanosti za prekršaj koji je nespojiv sa obavljanjem dužnosti direktora
- Direktor se imenuje na period od 4 (četiri) godine.
- Rok za podnošenje prijave na konkurs je 8 (osam) dana od dana objavljivanja konkursa u dnevnom listu.
- Kandidati koji ispunjavaju uslove konkursa biće pismeno obaviješteni o mjestu i vremenu obavljanja intervjua.
- Prijave sa dokazima o ispunjavanju uvjeta dostaviti lično na Protokol ustanove ili poštom preporučeno na adresu: **JU „Kantonalni centar za socijalni rad“, ul. Gatačka 80, 71000 Sarajevo, uz naznaku: „Prijava na konkurs za izbor i imenovanje direktora - ne otvaraj.“**
- Nepotpune i neblagovremene prijave neće se uzeti u razmatranje.
- Tekst konkursa dostupan je i na web stranici www.ksr.ba



**V.D. PREDSEDNIK
UPRAVNOG ODBORA**

Mr.sc. Samir Suljagić